

te exercitatus ipsa rerum natura, quid agendum sit, suggerit. Vbi verò etiam inueniendi viam ab alio qui traditam ceperit, huic facillimum est, per eam ultra progredi. Huius rei amplum testimonium fuerit, quod eiusmodi viri artem maximis operibus illustrarunt. Qui verò parum prudentes sunt, ij nihil præterea inueniunt, etiamsi tota vita infinitos artis effectus conspexerint. Plurima namq; inueniuntur hodie quoque, quæ apud maiores nostros non fuere inuenta: veluti nunc Romæ quidam excogitauit, quemadmodum acrochordonas & myrmecias ore fanet. Hæc Galenus.

Vt autem clariùs appareat vis & veritas mutui cõsensu, cum quæ in vno tertio conueniunt, inter se quoq; non discrepent: quantumuis omnia, quæcunque totum hoc vniuersum adimplent, simplicium remediorum loco haberi possint, suadet tamen legem Mesues, vt *In Canon. vniuersal.* ea medicamenta vitentur, quæ nec arte, nec alia ratione fieri meliora queant. Eam cum vtriq; pleno assensu ratam firmamq; comprobent, etiam ij, qui metallorum nonnullorum vim malignam per-